



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

Elegia II. Magdalenae cultus in neglecto cultu.

[urn:nbn:de:hbz:466:1-70461](#)

ELEGIA III.

MAGDALENÆ *cultus in neglecto cultu.*

INCLYT A spectabam summi conuiuia Regis,
Nescio quæ nostrum femina radit iter.
Aspexi propriū. fallunt me lumina? fallunt?
Magdalensis est, spurcis illa tot atra probris.
Non vix quam tereti baccata monilia collo,
Aut sapphiratis lucida spira comis.
Non Tyrio succo stat cultus amoenus & auro,
Vna sed hinc nudis purpura nata genis.
Nil opus hinc pictis dispuncta monilia gemmis,
Quæque tument Tyrio texta superba mari.
Quid nisi inops sanies coneħx Sidonidos ostrux
Quid nisi formosus limpida gemma lapis?
Ipse sibi iā torquis Amor, sibi & ipse smaragdus;
Ipse sibi speculum, mundus & ipse suus.
Non sic suave-rubēs, violaque, crocoq; vel auro
Pingit humum, aut cyanum marmor inau-
rat Eos:
Ac vultum niueo de rore venustat, & ostro,
Qui rubet ingenuo conscientia ore pudor.
Ad tremulos Zephyri ludos crispante sub aurā,
Ut tegit ac retegit mobilis umbra botrum:
Sic etiam alternā ludens hinc inde figurā,
Quæ pudor ora premit, nudat & ornat Amor.
Purus Amor, cui frons sine nube & diuītē cultu,
Emicat ē roseis gemmea lympha genis.
Non tot Arabs, Sina, Persa, Cilix, Cyrus, Italus,
Indus,

Gal-

Gallus, Iber, Iapo dinumerabit opes:
 Quot tenui stillâ, gemmans ut fluxerit humor,
 Diuitias cornu cælite stipat Amor.
 Quale decus pictis pellucens vnda lapillis,
 Quale decus rubro candida bacca mari:
 Quale decus glacies viuo flammata pyropo,
 Quale decus nitido ridet imago vitro:
 Quale decus radians adamascendente coronâ,
 Quale decus flauis lactea gemma comis:
 Quale decus viridans flauete smaragdus in auro,
 Quale decus pictis aurea stella vadis:
 Tale decus lacrymæ, queis pulcher inardet IESVS;
 Hoc pudor, hoc pietas, hoc Charis imbre natat.
 Scilicet ad Christi radios, nubemque doloris,
 Pro micat è lacrymis discolor Iris Amor.

ELEGIA III.

Ægritudo MAGDALENÆ è Conscientiæ terrore.

MILLE per infestos hydros, & mille per ignes
 Deuia, quæ mortis triste cucurrit iter;
 Iam sibi præstituit Cæli ad sacra limina metam:
 Hic sedet, hic longo fracta labore gemit.
 Sudat, hiat, pallat, plorat, rubet, ardet, anhelo
 Corde bibens flamas, ore vomens gemitus,
 Magdalæ, & nescit, cur ardeat acrius omni
 Illice, quam viuo sulphure busta cremant.
 Pestis edax euincit opem; populatq; medullas,
 Quæ flagrat arcano conscientia noxa sinu.
 Cui saevas Metancæa faces accedit ab Orco,
 Flammaque ab Stygiâ mors pice busta struit.